

BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON GORAŽDE
OPĆINSKI SUD U GORAŽDU
Broj: 45 0 St 047564 24 St
Goražde, 12.05.2026. godine

OPĆINSKI SUD U GORAŽDU, stečajni sudija Muris Tatarin, u stečajnom postupku nad imovinom stečajnog dužnika "EMPEK d.o.o. Goražde ulica Zaima Imamovića broj 27 Goražde, matični registarski broj subjekta upisa MBS: 45-01-0011-16, JIB: 4245043950000, odlučujući o prijedlogu za zaključenje stečajnog postupka koji je podnesen od strane stečajnog upravnika Hamidović Besima, nakon održanog ročišta dana 30.04.2026.godine, kome je prisustvovao stečajni upravnik, dana 12.05.2026. godine donio je sljedeće:

R J E Š E N J E

Zaključuje se stečajni postupak nad imovinom stečajnog dužnika "EMPEK" d.o.o. Goražde, ulica Zaima Imamovića broj 27, Goražde, matični registarski broj subjekta upisa MBS: 45-01-0011-16 JIB: 4245043950000 nakon provedene završne diobe.

Nakon pravosnažnosti ovog rješenja navedeno privredno društvo brisat će se iz Registra društava kod Općinskog suda u Goraždu (MBS broj: 45-01-0011-16,) i svih javnih registara.

Pravne posljedice zaključenja stečajnog postupka nastupaju u roku od osam dana od dana objavljivanja rješenja u "Službenim novinama Federacije BiH".

Rješenje o zaključenju stečajnog postupka zbog nedovoljnosti stečajne mase objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u "Službenim novinama Federacije BiH" objavit će se samo izreka rješenja.

O b r a z l o ž e n j e

Punomoćnik društva "EMPEK" d.o.o. Goražde, advokat Mašić Muamer je dana 14.06.2024. godine podnio prijedlog za otvaranje stečajnog postupka nad društvom "EMPEK" d.o.o. Goražde. Uz prijedlog za pokretanje stečajnog postupka dostavljena je odluka direktora-osnivača Društva kojom je utvrđen prestanak poslovanja privrednog društva "EMPEK" d.o.o. Goražde iz razloga pokretanja stečajnog postupka.

Rješenjem ovog suda broj: 45 0 St 047564 24 St od 07.10.2024. godine otvoren je stečajni postupak nad imovinom stečajnog dužnika društva "EMPEK" d.o.o. Goražde.

Stečajni upravnik je u spis predmeta dana 26.03.2026. godine dostavio pismeni podnesak u kojem navodi da je u ovom postupku neophodno zakazati ročište za završnu diobu radi unovčavanja mase na način da stečajni povjerilac Porezna uprava F BiH Kantonalni porezni ured Goražde iz stečajne mase preuzme pokretne stvari. Nadalje, stečajni povjerilac Porezna uprava F BiH Kantonalni porezni ured Goražde obavijestila je sud da prihvata preuzimanje pokretne imovine poreznog dužnika EMPEK d.o.o. Goražde.

Ročište za završnu diobu održano je dana 30.04.2026.godine u 10,00 sati. Stečajni upravnik je na ročištu za završnu diobu izjavio ukupan iznos potraživanja koja se uzimaju u obzir prilikom glavne diobe iznosi 5.808,93 KM. Slovicima: (pethiljadaosamstotinaosam KM i 93/100 KM), da iznos stečajne mase raspoložive za diobu razlučni povjerilac preuzeo pokretnu imovinu jer je imao priznato razlučno pravo u iznosu od 11.081,31 KM, iznos stečajne mase koji je na raspolaganju za glavnu diobu iznosi 0,00 KM. Slovicima: (nula i 00/100 KM). Iznos stečajne mase raspoloživ za glavnu diobu iznosi 0,00 KM. Procenat namirenja povjerilaca višeg isplatnog reda iznosi 0,00%. Procentualno namirenje povjerilaca višeg isplatnog reda iznosi 0,00%.

Stečajni povjerilac Porezna uprava Federacije BiH, Kantonalni porezni ured Goražde prihvatila je izvještaj stečajnog upravnika, i ista je saglasna da sud donese odluku u skladu sa prijedlogom stečajnog dužnika kojim će stečajni postupak zaključiti.

Imajući u vidu naprijed izneseno, odnosno da stečajni dužnik nema druge imovine (izuzev dvije pokretne stvari koje je preuzeo povjerilac Porezna uprava F BiH Kantonalni porezni ured Goražde) koja bi činila stečajnu masu, da nije u stanju nastaviti poslovanje, da ne postoji mogućnost reorganizacije, ovaj sud zaključuje da je prijedlog za zaključenje stečajnog postupka osnovan, te je u skladu sa članom 190. i 204. Zakona o stečaju ("Službene novine Federacije BiH" broj: 53/21) donio rješenje kao u izreci.

Stečajni sudija

Muris Tatarin

Pouka o pravnom lijeku:

Protiv ovog rješenja stečajni povjerioci i stečajni dužnik imaju pravo žalbe u roku od 8 dana od dana objavljivanja u "Službenim novinam F BiH". Žalba se podnosi Kantonalnom sudu u Goraždu putem ovog suda.